

善本方志輯·第一編

中國地方志集成

乾隆諸暨縣志
萬曆會稽縣志

中國地方志集成

善本方志輯·第一編 ⑤6

萬曆會稽縣志

乾隆諸暨縣志

鳳凰出版社 ● 上海書店 ● 巴蜀書社

圖書在版編目（C I P）數據

中國地方志集成·善本方志輯·第一編 / 鳳凰出版社
編. — 南京：鳳凰出版社，2014.5
ISBN 978-7-5506-1218-1

I. ①中… II. ①鳳… III. ①中國—地方志 IV.
①K29

中國版本圖書館CIP數據核字(2014)第101386號

中國地方志集成·善本方志輯·第一編


著 作 者	本 社 編 選
責 任 編 輯	王 愛 榮 吳 瓊
封 面 設 計	范 一 辛 姜 嵩

出 版 發 行	鳳凰出版傳媒股份有限公司 鳳凰出版社(原江蘇古籍出版社) 發行部電話025-83223462
出版社地址	南京市中央路165號,郵編:210009
出版社網址	http://www.fhcbs.com
經 銷	鳳凰出版傳媒股份有限公司

印 刷	金壇市古籍印刷廠有限公司 江蘇省金壇市晨風路186號,郵編:213200
開 本	787×1092毫米 1/16
印 張	3420.5
版 次	2014年5月第1版 2014年5月第1次印刷
標 準 書 號	ISBN 978-7-5506-1218-1
定 價	44500.00圓(全七十八冊)

(本書凡印裝錯誤可向承印廠調換,電話:0519-82338389)

乾隆諸暨縣志



(清)

沈椿齡 樓卜瀍等 纂修

《乾隆諸暨縣志》四十四卷首一卷
末一卷，據清乾隆三十八年（一七七二）
刻本影印。

目錄

乾隆諸暨縣志	〇〇一
萬曆會稽縣志	五一七

序

紹郡諸暨縣之有專志宋
寇仲溫始有記其詳而後編
者明景泰時有駱志隆摩年
繼脩之

本朝康熙中則有章平事

惠及今曠將百年而沈
椿齡毅躬身任其事績成巨
編至幸者邑人樓孝廉中
瀝用雕毫以其成書送閱而
自序以弁其首余惟好邑
之庶有志乘人盡知之鑒

於古而今之案其風土而
乘之定其疆里浹滋而利
之防之膏於志有賴人亦顯
能道之而此所脩之志是繼
而非創是述而非作也前所
云則已具道於駱志之志之

序文重疊言之不稱是奉
唯是記載之編必待新之續
級而時事如備續之遲速
要以百年之期為大較者若
之眼見口述先後轉相告語
也則聞其詳遠則傳其略

著作而成文章近則可求
之於子孫門弟子遠則散
失湮沒然則繼章氏而有
華茲時詎可緩乎暨邑介
於富陽浦江東陽義烏之
間居會稽之南境內多山

若東白枕馬清蹕旁邑重
密疊障易於藏疾江支湖
復阻蔽隱奧其性情舊習
秀者樞材傑挺特俊偉
其流則為剽悍好鬪是以
國朝康熙甲寅年乘閩學

而鴟嘯者前後匪一迨耿逆
蕩除之後鏟削始盡邑之
得藉於兵革甲子將二週
矣諸令丞

上旨始也撫摩瘡痍宏拓凋樵
所謂厚之以生利之以用及

額示

聖諭十六條官日歲宣其文師
儒月講其義耳櫛日染寢
久而化洽所謂正之以德而
之事孔備矣雍正十數年
中大吏守其法州縣百職

皇上

事激獎廉教無善良而勿
揚去為宄而勿懲民知趨
避益晰暨之山區水澳諸
氓不異都會易聽度明或
寬大之政而致嚴於蒐瑣

屢沛捐免之令而實涉必
流其恩膏暨雖叢邑深
忘乎險阻監踞之勢革身
剽悍之習彬之於淳風流
行人才肩背相望亦多拔
萃出群者而文章之風

氣益臻卓犖當此極
威之時志又曠及百年後
不令廢者舉闕者補人
將以目職斯邑者為何如
人哉而沈令知此事為難
重而始終之振條就目繁

然具備揚德化之美爰
山川之光勅成斯編若
此沈令任以五稔矣余方
衆觀其報以之成而於是
志嘉其知大體識所緩
急於是乎書以表揚者

廉茅纂茅之善觀者

自能得之

乾隆癸巳重九

誥授通奉大夫

欽命浙江茅霞子宣布政使日

布政使臨汾王亨望序



序

江淹云修史之難志出於志有
建置沿革遠近險易陰陽五行
吉凶趨避之道以寓其政守奇正
進退之法又有溝洫畝澮川浸湖
海之類以定其物產而又為之詳戶

以均賦役采風俗以別貞淫之所
以為具如此而其大要務人深知
其故不獨詩人物以示觀美也雖
時移世更而所遭之變所受之勢
有不同矣使至熟於天下事物之
變古今理究之源罔闕情偽之微

其在堂戶之上而已得其四海九
河之業萬世之策由是出而備公
卿大夫百執事之選則隨之施
而無不可者何者其見之志也廣
也昔蕭何入秦亟收圖書張禹
條陳風俗李恂使幽州寫山川

屯田聚落魏武獲田疇知盧龍
間道梁武用張宏策知江路進
取唐韋澳纂次風土利害宋祖
得樊冢水知采石廣狹世祖詔拱
南陽風俗自古帝王將相用之肇
造則天下定陳之治平則盡食之

福其及之遠勢足以羈縻使不敢
動其待之安更先為控制以扼其
險噫所闕豈淺小哉近世體例
盡壞作者多非古法而食古通
經之士又概不多見艱於考核
勢不得不專意人物誇浮飾誕

以謗謬媚俗夫然而其書不足取
而為天下之吏不習而為往之意
計無所出手足無所措嗚呼三
代之治之所以不古而中政為
焉而豈可觀其不以此也與

國家之興百數十年矣直省通志咸

詔釐定紹興之諸暨歲久復缺暨

之令沈君有憂之思謀其全即

舊志訪載而增刪之閱歲書成

得若干卷何其周且速也當

簡冊散佚之時淺識之士固已

忽焉而不加詳矣及觀此志復

脩實有裨暨治之大唯其令

之周覽繙閱而因革損益按

籍可求以洞悉利弊則夫言志

而專事人物者豈果要也與暨

之地固多可志沈君為令風土

人情又其所熟悉者也苟能合

區宇以考形勢稽變遷以觀

成敗酌淳漓為轉移之方訪

疾苦為真際之計事之晦于昔

者顯於今不得施於今者行於

後暨雖彈丸地吾知教化之行

風俗之成能異人任也可示勉

哉暨去郡逾百里曩識獄一

再至其地其山川民物固余

所目覩而可得言焉者會志

成余再視郡事因據所見

為官訪土者告

時

乾隆三十六年歲次辛卯涂月
下浣

奉政大夫署紹興府知府同知
嘉興府海防事大興舒希忠序

諸暨為紹屬巖邑志曠百年不

修文殫獻缺閱去病之余奉調

之次年從邑士程君宅三位鄺

君向榮欣之請於乾隆三十五

年己丑延邑孝廉樓君西濱卜

渥任其事余公暇亦時過而商

榘焉經始於春卒業於冬其體

例一奉諸府志省志為卷四十

有四為門二十有三諸圖冠首

諸舊叙附末有倫有脊不濫不

遺較舊志蔚然改觀孝廉之用

志勤矣上之

各憲皆報可會考廉以計偕兩
走京師不果刻越二年罷春官
試歸始較讐開雕既訖二俾一
言於簡端余維暨邑建始於秦
古矣界連三府八邑廣矣群山
屏幃於表浣江襟帶於衷雄矣

桑椹八蚕之繭田收而熟之杭
其君子萬實而好義其小人節
儉而力蓄富且美矣此則志中
已詳載之何俟于言顧其俗剗
而自是褊而好爭睚眦之怨必
報其黠而無賴者習為無情之

辭城鄉林立幾如荆州之名士
桑民之訟而播弄其間一得當
即某訟師之名大著奔走愚氓
如市訟或不當即嗾使上控以
求伸巧借影似昧沒真情焚然
囂然于未萬態卒至霜降水落

理無可伸訟師方從旁坐收其
利而此訟者已至罄家蕩產焦
爛而莫救又縣境東南遠接東
浦義嶸諸邑之水匯流而注於
境出兔石頭迤邐以入海向有
七十二湖以瀦之分達山陰之

鈔清蕭山之臨浦以殺之自麻
溪塞而水出一口築埂障湖而
無湖不田於是潮縮之時建瓴
直下田無取溉龜坼是虞若秋
潮正旺排空逆來又值上游水
發兩相抵搏砰礮震撼怒無所

洩即衝決湖堤為患今麻溪之
故道難尋諸湖之陞課已久說
者因有挖沙之議而苦於經費
之無出貯沙之無地且恐沙隨
水下或不免旋挖旋淤是以新
斷至今不定民俗之健訟既如

彼地勢之難為又若此以故數
十年來官斯土者正署迭更得
善去者無一二求仕者輒揺手
咋舌目為畏途此則志之所不
及言不敢言而定令其民所當
尊之交勉去其舊以圖其新者

也余之來此歲箭五更矣舍沙
之射屢經日在戰兢危惕之中
所幸比年豐稔猶得牽架過日
而士民之恪守其本分不敢以
虛誕逞能者亦安於余之愚久
而且習於無事也若夫與孝廉

共事以有成者吳君袞五廷景
 周君進思毅忠宣君觀瀾湧毛
 君鼎魚棟表君晉揚洵孫君夏
 佐襄例得備書 皆
 乾隆三十八年歲次癸己正月
 元宵後三日

文林郎知諸暨縣事加二級紀
 錄三次震澤沈椿齡叙

諸暨縣志

同纂姓氏

裁定

知諸暨縣事震澤沈椿齡

同定

教諭海寧朱瑞

訓導西安王榮鏞

纂輯

庚辰科舉人棟選知縣邑人樓卜濂

卷之八

司纂姓氏

參閱

生員邑人吳熙

貢生邑人周殿忠

貢生邑人宣湧

貢生邑人毛棟

候選州同邑人袁洵

候選布政使理問邑人孫襄

校訂

貢生邑人程位

廩 生 邑 人 鄺 欣

書畫

生 員 邑 人 石 梁

董理

生 員 邑 人 袁 舜 年

凡例

一我

朝稽古右文典章大備今志所列條例恪遵

勅脩浙江通志一書而叅以紹興府志諸集體各相符義

通一貫庶葑菲易於見采即以當拜獻之資亦小

大罔不從公愈以昭同文之盛

一志以引古成帙標以某書云云此正浙江通志例

也莊子有重言意在借古人以取重也如人物志

中列傳或本正史或採名人文集第觀其書目而

身價居可知矣否則掠其文而掩其目亦昌黎所

謂剽賊者耳賦出左思尚須因求諡乃願註推郭

象得毋以竊向貽譏

一志中凡新入者標以公舉事實此亦浙江通志例

也其人沒世未久初無載籍可稽而鄉評鑿鑿據

其事而書之即不朽之傳始基於此矣雖核實維

嚴寧闕毋濫而善善從長如有片端可節要亦無

敢或遺今遵浙江通志例分為十門則搜羅頗廣

位置良多倘見聞有所未及尚俟後之君子續而